


1. Sopo ya majwe




2. Jo, Monghadi Kgabo!



3. Mamelang mmino



4. Dineo o ya lebenkeleng



 **Buka 3A****Dikahare**

- |                                 |    |
|---------------------------------|----|
| 1. Sopo ya majwe .....          | 1  |
| 2. Jo, Monghadi Kgabo! .....    | 11 |
| 3. Mamelang mmino .....         | 21 |
| 4. Dineo o ya lebenkeleng ..... | 31 |

 **Tlhalamano ya dibuka tsa ho bala tsa Mophato wa Motheo**

Diphatlaladitswe ka 2016 ke Molteno Institute for Language and Literacy

Ditshehedsitswe ka ditjhelete ke Zenex Foundation

**Mophato 3 ★★★★ Buka 3A**

- Mohlophosi wa tlhalamano ya dibuka: **Jenny Katz**
- Bohlahisi ba pale: **Mirna Lawrence** le **Jenny Katz**
- Setsebi sa puo ya Sesotho: **Mmasibidi Setaka**
- Bahlophosi ba Sesotho: **Virginia Khumalo (VK)** le **Matshediso Mokoena**
- Batshwantshi: **Shayle Bester** - 1. Sopo ya majwe  
**Vusi Malindi** - 2. Jo, Monghadi Kgabol  
**Marleen Visser** - 3. Mamelang mmino  
**Sandy Campbell** - 4. Dineo o ya lebenkeleng
- Boalo le boqapi: **Resolution** le **ihwhiteDesign**



Creative Commons  
Attribution-  
NonCommercial-  
NoDerivatives  
(CC BY-NC-ND) 4.0  
International Licence

© 2016 Molteno Institute for Language and Literacy

Website: [www.vulabula.co.za](http://www.vulabula.co.za)


ISBN 978-1-77580-555-7



Disclaimer: You are free to download and share this work as long as you attribute the Molteno Institute for Language and Literacy, but you may not change this work in any way or use it commercially.

# 1. Sopo ya majwe

*E thehilwe paleng ya Yuropa*



## PELE O BALA PALE ENA

**Netefatsa hore o utlwisa seo mantswe ana a se bolelang:**


mokgoro, futsanehile, letsopa, mohopolo, leqheka, phufodi,  
lakaditse, latswa, elellwa, monko, molaetsa, tshomo, finyella

**Netefatsa hore o tseba ho bala mantswe ana:**

thwe, baahi, leqheka, morwetsana


Ho thwe kgale kgale, motsamai o ne a kene motseng. O ne a se na dijo mme hape a lapile haholo. Motsamai a kena mokgoro le mokgoro a kopa seo a ka se jang. Empa baahi ba ne ba futsanehile haholo, ba bolella motsamai hore le bona ha ba na dijo tse lekaneng. Motsamai ya lapileng a tsamaya, a ipotsa hore o tlo etsang.

Ka ntle ho motse, motsamai a fumana kutu ya sefate a dula fatshe a nahana. A bona pitsa e kgolo ya letsopa mohlweng pela hae. Hona ha mo fa mohopolo. Motsamai e ne e le monna ya bohlale, mme kapele a be a na le leqheka.



Motsamai a bokella patsi a besa mollo. Yaba o beha pitsa mollong a e tlatsa metsi a tswang nokeng. Ha a ntse a emetse metsi ho bela, a ya ho fumana majwe a maholo, a boreledi. A hlatswa majwe ao hantle, a nto a kenya ka metsing.

Kapele ke ha phufodi e tswa ka pitseng ya metsi a belang.




Morwetsana a feta tseleng a tshwere ngwana. Ha a bona phufodi, a tla ho tla bona hore motsamai o phehile eng.

Motsamai a fuduha metsi ka pitseng, a nwa hanyane.

‘Ke pheha sopo e monate ya majwe,’ a rialo. ‘Nka thabela ho e arolelana le wena, empa e hloka ho hong ho e fa tatso.’

‘Ke na le dihwete tseo o ka di tshelang,’ ho rialo morwetsana, a lakaditse ho latswa sopo.

Motsamai a kgabela dihwete a di tshela ka pitseng ya metsi a belang.




Ka mora nakonyana, mosadimoholo a tla a hlotsha tseleng. Le yena a elellwa phufodi mme a tla ho bona hore motsamai o pheha eng.

Motsamai a fuduha metsi ka pitseng, a nwa hanyane.

‘Ke pheha sopo e monate ya majwe,’ a rialo. ‘Nka thabela ho e arolelana le wena, empa e hloka ho hong ho e fa tatso.’

‘Nka o fa eiye,’ ho rialo mosadimoholo, a lakaditse ho latswa sopo.

Motsamai a kgabela eiye a tshela ka pitseng ya metsi a belang.




Ngwanana a tla a tlolatlola tseleng. A bona mollo le pitsa e belang yaba o tla ho tla sheba hore motsamai o pheha eng.

Motsamai a fuduha metsi ka pitseng, a nwa hanyane.

‘Ke pheha sopo e monate ya majwe,’ a rialo. ‘Nka thabela ho e arolelana le wena, empa e hloka ho hong ho e fa tatso.’

‘Ke na le ditapole ka mmanking. Nka o fa,’ ho rialo ngwanana, a thabetse ho latswa sopo.

Motsamai a ebola ditapole mme a di tshela ka pitseng ya metsi a belang.



Ka nako eo hwa tla modisana wa dipodi le dipodi tsa hae. A bona batho le phufodi e tswang ka pitseng, mme a tla ho tla bona hore motsamai o pheha eng.


Motsamai a fuduha metsi ka pitseng, a nwa hanyane.

‘Ke pheha sopo e monate ya majwe,’ a rialo. ‘Nka thabela ho e arolelana le wena, empa e hloka ho hong ho e fa tatso.’

‘Ke na le nama, le letswai,’ ho rialo modisana, a thabetse ho latswa sopo.

Modisana a noka letswai ka pitseng, motsamai a tshela nama. A fuduha metsi a belang – ao e neng e se e le sopo e shebahalang – nako e teletsana.

Monko o monate wa qala ho solla sebakeng.




Qetellong motsamai a re, ‘Sopo ya ka ya majwe e lokile.’ A fa baahi bohle sopo.

‘Mmmm, hona ke sopo e monate eo re so kang re e latswa! Re ne re sa tsebe hore o ka etsa sopo e monate tjena ka majwe!’ baahi ba rialo ho motsamai.

Motsamai a tsheha a le mong, a nto nwa sopo.

*Naa o ka etsa sopo ka majwe? Ke eng se entseng hore sopo e be le tatso?*



Molaetsa wa tshomo ena ke hore batho ba lokela ho thusana. Ha ba sebetsa ka sepheo se le seng, baka finyella ntho tse kgolo.

## 3A-1 Sopo ya majwe

### A. Tekokutwisiso

Araba dipotso o sebedisa dipolelo tse felletseng.

1. Hobaneng baahi ba motse ba sa ka ba fa monna wa motsamai ya neng a lapile dijo?
2. Motsamai o ile a bona eng mohlweng pela hae?
3. Motsamai o ile a ba le leqheka lefe le bohlale?
4. Mosadimoholo o ile a fa motsamai eng?
5. Ke mang ya fileng motsamai nama le letswai?
6. Bolela haeba dipolelo tse latelang ke nneta (N) kapa leshano (L).

a)	Baahi ba ne ba lakatsa ho latswa sopo ya motsamai e monate ya majwe.	
b)	Baahi ba ne ba sa lemohe hore sopo e entswe ka disebediswa tse tswang ho bona.	
c)	Motsamai o ne a sa batle ho arolelana ka sopo ya hae.	
d)	Qetellong sopo ya majwe e entswe ka majwe le metsi.	

7. Tshwaya dipolelo tsena ho tloha ho 1-4 ho ya ka tatelano ya diketsahalo paleng.

a)	Motsamai o entse ekare o etsa sopo ka metsi le majwe feela.	
b)	Bohle ba natefetswe ke sopo e dijo.	
c)	Motsamai o ne a lapile feela dijo dile siyo.	
d)	Baahi ba mo file ditswaki tseo a neng a di hloka ho etsa sopo e hantle.	

8. Motsamai o ne a tsheha qetellong hobane \_\_\_\_\_.  
a) baahi ba ne ba dumela hore o entse sopo e monate ka majwe.  
b) o ne a thabile ho ba le sa ho ja  
c) o ne a thabetse ho thusa baahi ba neng ba lapile  
d) Tsohle tse ka hodimo.

## B. Tshebediso ya puo

DBE Sehlopha 3 Buka 1: Iq. 21  
DBE Sehlopha 3 Buka 2: mq. 12, 73

Ngololla dipolelo tsena o sebedisa **matshwao a puo**. Bolela hore polelo enngwe le enngwe ke **potso, polelo, taelo kapa tshohanyetso**.

1. sopo ena e ya hlaboseha \_\_\_\_\_
2. mphe eiye hanyenyane \_\_\_\_\_
3. o pheha eng \_\_\_\_\_
4. motsamai ene e le monna ya bohlale \_\_\_\_\_

## C. Ngodiso

DBE Sehlopha 3 Buka 1: mq. 26, 29

Ho na le mefuta e mengata e fapaneng ya sopo, mohlala: sopo ya kgoho, sopo ya kgomo, sopo ya meroho, sopo ya tamati, sopo ya mokopu, sopo ya dinawa, sopo ya dierekisi, sopo ya eiye, sopo ya kgwaeyane, jl jl.

Ngola resepe ya sopo eo o e ratang.

## 2. Jo, Monghadi Kgabo!




### PELE O BALA PALE ENA

**Netefatsa hore o utlwisia seo mantswe ana a se bolelang:**  
monghadi, makgethe, kurutsa, mmalwa, motheo wa fesetere,  
itjheba, mabenyane, amohetswe

**Netefatsa hore o tseba ho bala mantswe ana:**  
monghadi, metsotsonyana, itjheba

Mofumahatsana Kgabo o rata Monghadi Kgabo haholo. Ka tsatsi le leng a mo memela tee.

Mofumahatsana Kgabo a baka lofo e monate ya bohobe. A seha bohobe ka hloko a nto bo beha rakeng ka tlase ho fensetere hore bo fole. Kamorao ho moo, a seha kase ka makgethe a e beha poleiting pela bohobe bo bakuweng. Yaba o a tswa ho itokisa. O batla ho shebeha hantle bakeng sa Monghadi Kgabo!



Monghadi Kgabo a fihla ha Mofumahatsana Kgabo ka nako ya tee. O shebahala a le motle haholo ka sutu ya hae le katiba. O tlisitse dipalesa tse ntle bakeng sa Mofumahatsana Kgabo. Aa, monna wa sebele!

Monghadi Kgabo ha a so je letho ho tloha hoseng hobane a batla ho ba le sebaka mpeng ya hae bakeng sa tee ya Mofumahatsana Kgabo e monate. O lapile haholo hoo mala a hae a ntseng a kurutsa a lla!

A kokota monyako wa Mofumahatsana Kgabo.



‘Ke hloka metsotsonyana e meng e mmalwa,’ ho bua Mofumahatsana Kgabo a le ka tlung, a sa ntse a itokisa.

‘Naa re ka ja jwale?’  
Monghadi Kgabo o botsa ka tshepo a le ka ntle setupung.


Empa Mofumahatsana Kgabo ha a arabe. O phathahane haholo o itlotsa molomo ka setlolo sa molomo.

Monghadi Kgabo a rola katiba ya hae a ema setupung. Kapele monko wa bohobe bo bakuweng wa utlwahala nkong tsa hae ho tswa fensetereng e butsweng. Wa etsa hore mala a hae a llele hodimo. O lapile haholo! O tshwanela ho thola sa ho ja!

Yaba Monghadi Kgabo o bona dingwathana tsa bohobe bo nang le kase motheong wa fesetere.

‘Nkeke ka ema!’ a rialo, a nanabela sengwathana sa bohobe bo bakuweng ke Mofumahatsana Kgabo. A nka le sengwathana sa kase.

‘Mmm, mmm, mmm,’ ho itatswa Monghadi Kgabo, a kometsa bohobe le kase.



Ha Monghadi Kgabo a ntse a ithusa ka bohobe le kase tsa Mofumahatsana Kgabo, Mofumahatsana Kgabo o ntse a itokisa. A qeta ho tlotsa ditlolo tsa hae tsa sefahleho ka hloko, a itjheba seiponeng. O batla ho shebeha a le motle!



'Naa re ka ja jwale?' ho botsa Monghadi Kgabo hape a le ka ntle.

Empa Mofumahatsana Kgabo ha a so loke.

Monghadi Kgabo o ntse a lapile. A utlwa monko wa bohobe le mala a hae a lla. O batla ho ja! Ha a sa kgon a ho itshwara! Yaba Monghadi Kgabo o ithusa hape ka bohobe le kase.



Mofumahatsana Kgabo ha a so loke. O sa kenya  
mabenyanane a hae le ho itokisa moriri.

Kantle, Monghadi Kgabo oithabisa ka ho itjella  
bohobe le kase.



Qetellong Mofumahatsana Kgabo a tla ho tla bula lemati le ka pele.

‘O amohetswe, Monghadi Kgabo. Kena ka tlung o tlo ja bohobe ba ka bo monate bo bakilweng,’ ho rialo Mofumahatsana Kgabo ka pososelo e molemo.

‘Ae, tjhe! Nkeke ka kgon a ho ja letho!’ ho bua Monghadi Kgabo ka boipelaetso. O dutse ka ntle setulong, o kgotse haholo ha a kgone le ho dula hantle!

Mofumahatsana Kgabo a sheba dipoleiti tse se nang letho. A sheba le mpa ya Monghadi Kgabo e tenya. Mofumahatsana Kgabo o halefile haholo.

‘Monghadi Kgabo, o meharo! O kgopo Monghadi Kgabo!’ a lla. ‘O jele bohobe ba ka le kase kaofela. Ha ke sa tla o memela tee hape le kgale!’

*Wena o ka mo mema?*



## 3A-2 Jo, Monghadi Kgabo!

### A. Tekokutlwisiso

Araba dipotso o sebedisa dipolelo tse felletseng.

1. Moft. Kgabo o lokositse eng bakeng sa tee?
2. Moft. Kgabo a beha bohobe haufi le fensetere \_\_\_\_\_.
  - a) hore Mong. Kgabo a tsebe ho bo fumana
  - b) hore Mong. Kgabo a utlwe monko wa bona
  - c) hore bo fole
3. Ekaba Mong. Kgabo o entse eng ho kgahla Moft. Kgabo? (Sheba leqephe la 13 ho ithusa.)
4. Ke hobaneng ha Moft. Kgabo a nkile nako e telele ha kaalo ho itokisa?
5. Mong. Kgabo o ile a qala ho ja bohobe hobane \_\_\_\_\_.
  - a) o ile a hohelwa ke monko o hlabosang.
  - b) o ne a kgathetse ke ho emela Moft. Kgabo.
  - c) o ne a lapile haholo.
  - d) Tsohle tse ka hodimo.
6. Moft. Kgabo oilo a etsa jwang hore a shebehe a le motle?
7. O nahana hore ho ne ho lokile hore Moft. Kgabo a halefele Mong. Kgabo ha kalo? Fana ka lebaka la karabo ya hao.

8. Tshwaya ka sefapano (X) pela polelo e leng leshano mme o tshwae nepo (✓) pela polelo e nepahetseng.

a)	Dikgabo di mehatla e metelele.	
b)	Dikgabo di ka baka bohobe.	
c)	Dikgabo di na le matsoho a tshwanang le a rona.	
d)	Dikgabo di qpara diaparo.	

## B. Tshebediso ya puo

DBE Sehlopha 3 Buka 1: Iq. 92  
DBE Sehlopha 3 Buka 2: mq. 41, 46, 75, II2

Kgetha **ebile** kapa **empa** ho kopanya para ka nngwe ya dipolelo tse latelang.

1. Moft. Kgabo o seha kase ka makgethe. O e beha poleiting.
2. Mong. Kgabo o batla ho ja. Moft. Kgabo ha a so loke.
3. Moft. Kgabo o kenya dibenyane tsa hae. O etsa moriri wa hae.
4. Moft. Kgabo o halefile haholo. Mong. Kgabo o thabile o kgotse.

## C. Ngodiso

DBE Sehlopha 3 Buka 1: mq. 36, 38  
DBE Sehlopha 3 Buka 2: mq. 18, 86, 106, 109

Iketse eka o Mong. Kgabo. Ngola **lengolo** o ikopele tshwarelo ho Moft. Kgabo ka se etsahetseng.

# 3. Mamelang mmino



## PELE O BALA PALE ENA

**Netefatsa hore o utlwisia seo mantswe ana a se bolelang:**  
salletswe, ikwetlisa, boikwetliso, dikupu, marimba, terompeta,  
vuvuzela, katara ya motlakase, karatjhe

**Netefatsa hore o tseba ho bala mantswe ana:**  
salletswe, ikwetlisetsa, kitjhining, karatjheng, metswalle

Konsarete ya mmino ya sekolo e salletswe ke beke!  
Bana ba sehlopheng sa bente ya sekolo ba  
ikwetlisa letsatsi le letsatsi hore ba tle ba bapale  
ka bokgabane.

Ravi o bapala setolotolo sehlopheng. Kamehla  
mantsiboya o ikwetlisetsa ka kitjhining ha mme wa  
hae a pheha dijo tsa mantsiboya. Mme wa Ravi o  
a mo rata, empa ha a rate boikwetliso ba hae!

‘Ao tjhe! Lerata le le kale!’ o a nahana. ‘Le  
utlwahala jwalo ka nonyana e lekang ho bina ka  
mmetso o bohloko. Ekare a ka emisa!’


Empa Ravi o tswela pele ho bapala.



Bonolo o bapala katara ya vaoline sehlopheng.  
Kamehla mantsiboya o ikwetlisetsa kantle  
tshimong. Monghadi Dube ke moahisane wa Bonolo.  
Monghadi Dube o rata ho iketla tshimong ya hae.  
Jwale kamehla o lokela ho mamela Bonolo ha a  
ikwetlisa. Monghadi Dube o rata Bonolo, empa ha  
a rate boikwetliso ba hae!

‘Ao tjhe! Lerata le le kale!’ ho nahana Monghadi  
Dube. ‘Le utlwahala jwalo ka katse tse pedi tse  
Iwanang. Ekare a ka emisa!’

Empa Bonolo o tswela pele ho bapala.



Mara le Puseletso ba bapala dikupu seholopheng. Kamehla mantsiboya ba ikwetlisa ba bapala dikupu tsa bona ka kamoreng ya ho phomola. Aubuti wa Mara o sheba thelevishene kamoreng ya ho phomola. Empa ka lebaka la lerata la dikupu ha a utlwe thelevishene hohang. O rata Mara, ebole o rata le Puseletso. Empa ha a rate boikwetliso ba bona!

‘Ao tjhe! Lerata le le kale! ho nahana aubuti wa Mara. ‘Le utlwahala jwalo ka motsamao wa mohlape wa dinare. Ekare ba ka emisa!’


Empa Mara le Puseletso ba tswela pele ho bapala.



Aaron o bapala marimba seholopheng. Kamehla mantsiboya o ikwetlisetsa ka ntle setupung. Ntate wa Aaron o rata ho dula a bale koranta ya letsatsi setupung. Empa ha a kgone ho bala hantle ha Aaron a ntse a bapala marimba. Ntate wa Aaron o rata Aaron, empa ha a rate boikwetliso ba hae!

‘Ao tjhe! Lerata le le kale!’ ho nahana ntate wa Aaron. Le tena jwalo ka metsi a rothang pompong. Ekare a ka emisa!’

Empa Aaron o tswela pele ho bapala.



Pamela o bapala terompeta seholopheng. Kamehla mantsiboya o ikwetlisetsa kamoreng ya hae ya ho robala. Ausi wa Pamela o robala ka nako eo kamehla. Terompeta ya Pamela e tsosa ausi wa hae. Ausi wa Pamela o a mo rata, empa ha a rate boikwetliso ba hae!

‘Ao tjhe! Lerata le le kale!’ o a nahana. ‘Le utlwahala jwalo ka vuvuzela e robehileng. Ekare a ka emisa!’

Empa Pamela o tswela pele ho bapala.



Lefa o bapala katara ya motlakase seholopheng. Kamehla mantsiboya o ikwetlisetsa ka karatjheng. Ha ntja ya Lefa e tla ka karatjheng ho tla ja dijo tsa yona, e tlameha ho mamela boikwetliso ba Lefa. Ntja e rata Lefa, empa ha e rate boikwetliso ba Lefa!

‘Ao tjhe! Lerata le le kale!’ ho nahana ntja ya Lefa.  
‘E utlwahala jwalo ka monwang o bobolang kahare  
ho tsebe ya ka. Ekare a ka emisa!’

Empa Lefa o tswela pele ho bapala.



Qetellong letsatsi la konsarete la fihla, mme boikwetliso ba emisa!

Bana ba kalaneng, ba itokisitse, mme ba emetse ho qala. Ba malapa a bona le metswalle ba tlide ho boha. Ba a ipotsa hore ke lerata la mofuta ofe leo bana ba tla le etsa jwale...


Yaba seholpha se qala ho bapala. Ravi o bapala setolotolo sa hae. Bonolo o bapala katara ya vaoline. Mara le Puseletso ba bapala dikupu. Aaron o bapala marimba. Pamela o bapala terompeta le Lefa o bapala katara ya hae.

Aa, semaka se sekalo! Seholpha se opa matsoho!  
Hona ha se lerata. Hona ke mmino!

Batho bohole ba a bososela, ba opa diatla.

'Se ka emisang!' ba ipiletsa. 'Tswelang pele! Re rata mmino wa lona! Re ka le mamela le bapala bosiu le motsheare! Re lakatsa eka le ke ke la emisa!'

Haele bana ba tswela pele ho bapala mmino.



## 3A-3 Mamelang mmino

### A. Tekokutlwisiso

Araba dipotso o sebedisa dipolelo tse felletseng.

1. Ke hobaneng ha bana ba sehlopha sa mmino ba ne ba hloka ho ikwetlisa?
2. Pudula ya menahano e setshwantshong se seng le se seng e bolela \_\_\_\_\_.
  - a) seo motho a se buang
  - b) seo motho a se nahang
  - c) seo motho a se ngolang
3. Aubuti wa Mara o ne a tshwantsha ho otla dikupu ha Mara le Puseletso le eng?
4. Ntate wa Aaron o ne a leka ho etsa eng ha Aaron ane a ikwetlisa marimba?
5. Ke mang ya neng a hloka motlakase ho ikwetlisa hantle? hobaneng?
6. Ha o nahana ke seletswa sefe se modumo o phahameng haholo? Hobaneng o rialo?
7. Qetellong ya pale ke eng e bileng semaka?
  - a) Sehlopha se bile kgabane.
  - b) Bana ba bapetse hantle haholo.
  - c) Mmino ene e le o ratehang, eseng lerata.
  - d) Tsohle tse ka hodimo.

## B. Tshebediso ya puo

DBE Sehlopha 3 Buka 2: mq. 4l, 46, 75, II2

Sebedisa **le** ho kopanya dipolelo tse pedi ho etsa polelo nolo.

- I. Mme wa Pamela ha a rate lerata la terompeta. Ausi e monyane wa Palesa ha a rate lerata la terompeta.
2. Mara o bapala sekupu Puseletso o bapala sekupu.

## C. Ngodiso


DBE Sehlopha 3 Buka I: mq. II, 28

DBE Sehlopha 3 Buka 2: mq. 7I, 7q

Tlatsa dikgeo tse siilweng ka mantswe a nepahetseng lenaneng le ka tlase.

Mang	Seletswa se bapetsweng	Kae	Tshwantshanya le
Ravi	setolotolo	kitjhining	nonyana e leka ho bina ka mmetso o bohloko
Bonolo	katara ya vaoline		
		ka kamoreng ya ho phomola	motsamao wa mohlape wa dinare
Aaron			metsi a rothang pompong
Pamela		kamoreng ya ho robala	
	katara ya motlakase	karatjheng	

# 4. Dineo o ya lebenkeleng



## PELE O BALA PALE ENA

**Netefatsa hore o utlwisia seo mantswe ana a se bolelang:**  
seiponeng, diborele tsa letsatsi, fifaditsweng, metsero, feshene,  
motlalara, khwaere, mohlankana, lebejana-po

**Netefatsa hore o tseba ho bala mantswe ana:**  
khwaere, ntjhebeng, tshwanang

Lelapa la ha Ntuli le reka lebenkeleng la diaparo.

Dineo o ya le mme wa hae karolong ya dieta. Mme o hloka para e ntle ya dieta tseo a tla di rwala lenyalong la rakgadi Mampe. Dineo o shebile mme ha a ntse a itekanya dieta tse fapaneng. Mme o rata dieta tsa mmala wa kgauta haholo. A di rwala, a tantsha a itjhebile seiponeng.

'Dieta tsena di lokile. Ke tla di nka,' ho bua mme.


Dineo le yena o rata dieta tseo. A kgetha para e pinki.



Dineo a ya ho sheba ntate a itekanya diborele tsa letsatsi. O hloka para e ntjha ya diborele tsa letsatsi hoba o ile a dula hodima tsa kgale ka phoso a di roba! Ntate o rata diborele tsa letsatsi tsa kgalase ya seipone e fifaditsweng. A di rwala a nto itjheba seiponeng.

‘Diborele tsena di a boheha. Ke tla di nka,’ ho bua ntate.

Dineo le yena o rata diborele tseo. A kgetha para e pinki.



Dineo a fumana nkgono a itekanya dikatiba.

Nkgono o hloka katiba e ntle eo a tla e rwala ha a ya kerekeng. Dineo o shebile nkgono ha a itekanya katiba tse supileng tsa mebala e fapaneng. Nkgono o rata katiba ya mmala wa lamunu haholo. O rata le boyo ba yona bo bolou! Nkgono a ema hantle a itjheba seiponeng.

‘Katiba ena e etsa ke shebahale jwalo ka kgosatsana. Ke tla e nka,’ ho bua nkgono.

Dineo le yena o rata katiba eo. Empa a kgetha e pinki.



Yaba Dineo o bona ntatemoholo a itekanya dikhaflo. Ntatemoholo o batla ho reka sekhafo se setjha sa mariha. Ho na le mebala e mengata eo a ka kgethang ho yona. Ntatemoholo o rata sekhafo se metsero e mesootho le bosweu haholo. A se akgela a nto itjheba seiponeng.

‘Sekhafo sena se bonolo ebile se mofuthu. Ke tla se nka,’ ho bua ntatemoholo.

Dineo le yena o rata sekhafo seo. Empa a kgetha se pinki.



Dineo a fumana ausi wa hae. Ausi wa hae o rata feshene. Metswalle ya hae kaofela e rwala dikausu tse telele ka sekhete se sekgutshwane, jwale o batla ho fumana kausu tse telele le yena. Ausi a lekanya dipara tse mmalwa. Yaba o rwala para ya dikausu tse nang le mebala ya metsero e fapaneng. A itjheba seiponeng a fetoha jwalo ka motlelara.

'Dikausu tsena di ntle. Ke tla di nka,' ho bua ausi.

Dineo o rata dikausu tseo le yena. A kgetha tse pinki.



Yaba Dineo o bona aubuti wa hae a itekanya dihempe. O hloka hempe e ntjha bakeng sa konsarete ya khwaere. Aubuti o rata hempe e tala e dikonopo. A itjheba seiponeng, a ikutlwa jwalo ka mohlankana wa nnete!

'Hempe ena e ntle haholo. Ke tla e nka,' ho bua aubuti.

Dineo le yena o rata hempe eo. A kgetha e pinki.



Qetellong! E mong le e mong lelapeng la Ntuli o fumane diaparo tseo a di hlokang. Mme o na le dieta tse ntjha le ntate o na le diborele tsa letsatsi tse ntjha. Nkgono o na le katiba e ntjha le ntatemoholo o na le sekhafo se setjha. Ausi o na le dikausu tse ntjha le aubuti o na le hempe e ntjha.

‘Empa Dineo wa batho,’ ho bua mme. ‘Ke yena feela ya sa fumanang letho kajeno.’

‘Oh, ee, ke fumane le nna!’ ho bua Dineo. ‘Ntjhebeng!'

Ke eo Dineo a apere diaparo tse tshwanang le tsa lelapa kaofela. Empa tsa hae di mmala o pinki!

‘Dineo o shebahala jwalo ka lebejana-po le pinki,’ ausi o a tsheha. ‘O shebahala o le tswekere hore o ka jowa!’

‘Ke mohopolo o motle oo!’ ho bua ntate. ‘Ha re yeng re iphumanele lebejana-po!’

Ba ya.



## 3A-4 Dineo o ya lebenkeleng

### A. Tekokutlwisiso

Araba dipotso o sebedisa dipolelo tse felletseng.

1. Ke maloko a ma kae a lelapa la Ntuli ba lebenkeleng?  
Ke bo mang?  
  
2. Qetella dipolelo tsena ka ho di nyalanya le mantswe  
a nepahetseng.
  - a) Mme o hloka  
dieta tse ntjha  ho rwala ha a eya  
kerekeng.
  - b) Nkgono o hloka  
katiba e ntjha  ho apara ha a eya  
konsareteng ya khwaere.
  - c) Aubuti o hloka  
hempe e ntjha  ho rwala ho ya  
lenyalong.
3. Ke hobaneng ntate a batla diborele tsa letsatsi tse  
ntjha?
4. Nkgono o kgethile \_\_\_\_\_.
  - a) katiba e mmala wa lamunu le lesiba le bolou
  - b) katiba e mebala bala
  - c) katiba e bolou le lesiba le mmala wa lamunu
  - d) katiba e senang masiba
5. Ntatemoholo o reka eng? O kgetha sefe?
6. Tshwaya ka (X) thoko ho dipolelo tse fosahetseng le  
letshwao la (✓) kapele ho dipolelo tse nepahetseng.

a)	Ausi e moholo o rata ho apara dikausu tse kgutshwane le sekhete se se telele.	
b)	Aubuti e moholo o hloka jesi e ntjha.	
c)	Emong le emong o itjheba seiponeng.	
d)	Ha ba qeta ho reka diaparo bay a ho ja lebejana-po.	

7. Dineo o rata mmala ofe haholo? Hobaneng o tjho jwalo?

## B. Tshebediso ya puo

DBE Sehlopha 3 Buka 2: lq 7q

Ngola **potso** bakeng sa polelo enngwe le enngwe. Sebedisa mantswe a ka masakaneng ho ithusa. Mohlala; Ba lelapa ba lebenkeleng la diaparo. (**kae**) Ba lelapa ba kae?

1. Mme o reka dieta tsa gauta. (**Eng**)
2. Dineo o shebeha jwalo ka lebejana-po le pinki. (**Mang**)
3. Bohle ba itjheba seiponeng hore ba lebeha jwang. (**Hobaneng**)

## C. Ngodiso

DBE Sehlopha 3 Buka 1: mq 86, 8q

DBE Sehlopha 3 Buka 2: mq 4, 8, 28, I08, III

Ngola ho **buka tsatsi** ka mohla one o ile lebenkeleng la diaparo. O isitswe ke mang? Le ile la ya hokae? O ile wa reka eng? Hopola ho ngola letsatsi.



# Buka 3A

Bophahamo 3 ba dibuka tsa tlhahlamiso tsa Vula Bula tsa ho bala di fana ka monyetla wa ho bala ka bolokolohi le ka potlako ho babadi. Buka ka nngwe e na le dipale tse nne tse fapaneng ho akaretsa le mongolo wa ditshomo. Pale ka nngwe e etelletswe pele ke tlotsontswe le mantswe a 'boima-ho-bala' ao ho lebelletsweng hore barutwana ba a kgone le ho a tseba.

Dibuka tse pedi di lokelwa ho qetwa ka hohle-hohle karolong ka nngwe ya selemo – Karolo 1: Buka 1A le 1B, Karolo 2: Buka 2A le 2B, Karolo 3: Buka 3A le 3B, Karolo 4: Buka 4A le 4B. Para ka nngwe ya dibuka (A le B) di bophahamong bo lekanang, ka baka leo, ha ho na taba hore o bala buka efe pele.



## ★ BUKA 1A

1. Kausu e nyametseng
2. Sengwathana sa qetello sa kuku
3. Ho hotle ho fana
4. Sephiri

## ★ BUKA 1B

1. Ntate o setse le lesa
2. Setshwantsho ka dibopeho
3. O tla etsang nakong e tlang?
4. Sepotolohi

## ★★ BUKA 2A

1. Bohlaswa bo bokaalo!
2. Ke lebidi la mang le?
3. Boleke-mampatile
4. Ke mang ya phelang mo?

## ★★ BUKA 2B

1. Thusang!
2. Ebe Palesa o kae?
3. Sehwete se seholo
4. Ke mang ya thubileng fensetere?

## ★★★ BUKA 3A

1. **Sopo ya majwe**
2. **Jo, Monghadi Kgabo!**
3. **Mamelang mmino**
4. **Dineo o ya lebenkeleng**

## ★★★ BUKA 3B

1. Re baka le nkongo
2. Tlhodisano ya moyo le letsatsi
3. Itokisetse leeto
4. Bosiu polasing

## ★★★★ BUKA 4A

1. Kokonyana le tsie
2. Toropo ya haeso
3. Mmutla le sekolopata
4. Ditsomi tsa diphoofolo

## ★★★★ BUKA 4B

1. Ditakatso tse tharo
2. Leino le ke la mang?
3. Tau le tweba
4. Afrika Borwa ya rona

(le Bukana ya Dikarabo tsa Mohlala)


Dibuka tse bophahamong bona di na le maqephe a eketsehleng, mongolo o mongata leqepheng, dipolelo tse telele, dipaterone tsa mefuta-futa e fapaneng ya dipolelo tsa bohlokwa, thutapuo tlhaloso semolao le tlotsontswe e ruileng. Ho bala jwale ho se ho itlela fela, ka mafolofolo a maholo le kutlwisiso ho feta ho hlaselha/ho peleta mantswe ha barutwana ba ntse ba atamela ho bala ka boikemelo.

Dibuka tsena di fana ka menyetla ya ho bala ka seholpha, ka tataiso, ka dipara le ka boikemelo.

# SESOTHO



Visit the Vula Bula website  
to view or buy all materials  
[www.vulabula.co.za](http://www.vulabula.co.za)



ISBN: 978-1-77580-555-7  
9 781775 805557